

聲

說

聲說上卷目錄

第一部 陽

強 宕 慶 葬 皂 擴 賡

第二部 東

瞳 孔 圃 冂 弄 崧 嵩 容 虹 畝 庸 膏 龍

第三部 冬

終 隆 冬 躬 芎 穹 戎 茸 宋

第四部 蒸

奔 遴 腓 騰 龔 雁 翮 曾 雄 乃 箇

拊 弓 凝 龜 徵

第五部 青 舊標耕

冥 刑 荆 倩 猜 耿 贏 贏 平 程 靜 奠

第六部 眞

伶 哭 寘 咽 夔 訔 寥 民 昏 痕 干 轉 津

身 穿 鄧

第七部 文 舊標諄

奩 夔 昏 鬲 畱 脣 敦 扞 斤 折 簞 焚

羃 鯨 諧 玫 坤

第八部 元

緜 采 番 弄 瑞 肩 卬 苑 怨 翼 开 袞 鳶

𦵏 睨 憲 怛 孰 曼 髡 軌 羃 膚 虔 耑
儼 單 解 邁 容 嬖

第九部 僂

凡風鳳染軌貨癩癩矜窠暴彡
敝厭帖𠂔生凭从岳暑龕領領顛戠

第十部 談

韃 芟 敢 猷 𪛗 監 詹 泛 忝 陝

聲說上卷

單父時庸勸學

第一部 陽

強 說文𧈧也。从虫，弘聲。徐鍇曰：弘與強聲不相近。秦刻石文

从口，𧈧从籀文𧈧省。巨良切。漢時無反切之學，許書但用



孫愔唐韻故其切音往往與聲讀不符，然亦有聲讀誤而切音得其正者，亦不可概廢。今發凡於此，後遇切音皆孫徐之音，莫誤。按徐說是也。若从弘聲，則別作一字，入蒸韻。切許氏也。

宕 說文過也。一曰洞屋。从山，𧈧省聲。按當正訓洞屋。山象

洞屋，以石爲之。猶今川滇之棚，後周宕州、汝南宕鄉、嶺南

宕昌，集韻采石工謂宕戶，皆此義。又通盪過也。今列孤文

慶 說文行賀人也。从心，从夊，夊行也。吉禮以鹿皮爲贄。从鹿

省會意。此等說解，傳會迂曲，疑古人制字未必如此。檢字典，慶字古文作，悉二形，反覆案之，始悟慶字當从庚聲。庚古作，悉乃悉之訛，其不从父者，亦猶愛作恣，憂作𢇛也。恣，惠也，故从心。愛行兒，故从父。而𠂔則聲也。𢇛，愁也，故从心。憂和之行也，故从父。而頁同首則聲也。準此以觀慶字，慮休也。高郵王氏曰：休喜也。故从心。慶行賀也，故从父。而庚則聲也。庚古音岡，故慶古音羌。庚今音耕，故慶今音磬。各从其類如此。知慮慶當分二字，庠變爲庠，形之誤也。而許氏遂傳會鹿皮之說歟？字典古文不知所收何書，必非無據。俟再考之。

葬

王萊友曰葬說文作𡵓𡵓𡵓三體石經作𡵓𡵓此形甚好上

艸稯非竹下艸薦非从尸聲故曰葬者藏也據此附

尸聲末

皂

說文穀之馨香也或說一粒也又讀若香皮及切段注又

字上無所承疑有奪文鳥部鵠字从皂聲爾雅音義彼及

反郭房汲反字林方立反則皂有在七部侵一音當云讀

若某在又讀若香之上今奪苗氏曰以香說皂同聲為訓

不得更有他讀食鵠當作卿鄉小徐韻部不清皆為顏氏

家訓所惑顏說附緝段苗二說段較長今雙收皂聲於

陽緝兩部以鵠字系緝部皂下

擴 廣聲音廓。初疑此字當作擴。與拓同。後得陽魚同入之理。知由陽轉藥。如掠字京聲讀略。亦猶是也。武養齋爲余言。晉省蒲解等處。讀量如掠。讀牆如錯。皆陽轉魚入之證。擴字亦然。

賡 說文以爲古文續。按賡从貝。庚聲。自當收陽部。爾雅賡颺續也。賡與續同義。非同形聲也。想許君因此誤收。今移系庚下。

第二部 東

𨇖

說文禽獸所踐處也。詩曰町𨇖鹿場。从田童聲。土短切。

按聲與切不符。初疑此字當讀若統。後見毛公鼎文唯𨇖。先王命諸家釋續。𨇖从箇聲。與贊聲近。故假借作續。其本義當卽𨇖之古文。後人刪去箇聲。變東爲童。又移田於左。而仍讀从箇之古音。遂致參差。不合。𨇖宋人舊釋𨇖。想當時必有師承。許印林駁之。意謂與鼎文上下不貫耳。若作假借。則不必更泥本義矣。此字當改入元部。而存其迹於東。又說文足部躡踐處也。从足𨇖省聲。徒管切。音義與𨇖同。𨇖亦𨇖之重文。

孔 說文通也从乙从子云云。康董切。聲在東韻。而乳吼乳俱讀侯韻。如齔、竦、叢、駟、翕皆東侯相通之字。此外如講之从莠也。鋤之从后也。纂之从聚也。藉之从音也。輦之从共也。酬之从凶也。常棣以戎韻侮也。瞻卬以輦韻後也。皆東侯同入相通之證也。諸家殊少解說。茲略爲辨證於此。其餘可以類推。又按東侯相通者。除酬輦二字。聲母無隸東部者。疑孔字古音亦隸侯部。因說文無孔聲字。故祇收東部孤文。

四 說文古窗字。曾下云。从八从囟。囟聲。按囟。四一字。而曾字實不从囟。攷彝器文皆作曾。曾。故从囟聲者。收東韻。

曾字則收烝韻。各立聲母，不必合也。

𠂔 說文重覆也。从口一，讀若艸苒苒。莫保切。按此字，姚苗均謂當讀莫紅切。冡字由此得聲。蓋一覆爲𠂔，再覆爲𠂔。三覆爲𠂔。三字形聲展轉相生，皆取冡覆之義。故由𠂔得聲者，苗氏聲訂皆隸東部。徐音莫保切者，東幽之通也。朱氏定聲以冡爲穢省聲，謬甚。

弄 說文从𠂔持玉。按當作𠂔亦聲。此與春字許說會意。今从苗氏竝作𠂔聲。

崧嵩 說文二字俱無。大徐新附有嵩字，云中岳嵩高山也。从山从高，亦从松。按嵩字最爲淺俚。詩崧高維嶽。爾雅山

大而高崧。漢人因造从山从高之字，而讀如崧。說文無崧字，當是偶遺。徐氏不能據補，而以後世之俗字附之。不知嵩高，古名太室。漢名崇高。熹平四年，始改嵩高，則嵩字三代所無可見。今據經文補崧字，而以嵩字附其下。

容 說文盛也，从宀谷。按古文作容，从山公聲。公谷形近，谷卽公之變文。實卽公之古文。非山谷之谷。蓋彝器公字作𠂔，𠂔各形，無从厶者。背厶之說，本不足據。觀松之古文作𠂔，案頌之古文作額，可見。姚本分公容爲二，今併。

虹 說文螭蜺也，狀似蟲，从虫工聲。按籀文从𠂔，𠂔古申字，卽古電字。蓋以虹形色似電，故从申。其从虫者，蟲之省聲。

也。後人去申加工，則工爲聲，而虫遂虛懸。許氏以似蟲說之，失古義矣。

𡗗 古文邦从出田。按出當是半省，蓋邦杜俱从半得聲。

庸 彝器作𡗗，𡗗，故說文不从用聲。

膏 說文用也。積古齋拍盤有此字，阮誤釋享。許印林攀古小廬今不說，謂當是庸之古文。因許氏不列庸下，故收入孤文。

龍 說文童省聲，殊覺未安，但不得其說，姑仍之。

第三部 冬

終 說文絳絲也。从糸冬聲。古文作𣎵。𣎵有𣎵而後有冬。有冬而後有終。此造字之先後也。據此則𣎵盡也。窮也。極也。冬四時盡也。終絳絲也。義各不同。古彝器令終作需。𣎵後人乃借終爲𣎵矣。今升𣎵爲聲母。而終下仍系古文。以存許氏之舊。後人以古文作聲母者倣此。

隆 說文豐大也。从生降聲。徐鍇曰：生而下已，益高大也。按此字當从土，不从生。爾雅釋山：宛中隆。疏：山形中央蘊聚而高者名隆。玉篇：中央高也。皆以地形立義。與生字意甚遠。許氏从生，蓋見省文或作隆，因分降之下半，合土作生。

又復加全降字作隆。小徐卽傳會生字之說。不知今文書隆已完備無缺。何必加畫作隆乎。嘗見古弔文有作墜者。當卽隆之古文。吳清卿中丞釋降見古籀篇。

夆 此下姚苗俱收夆夆各字。今歸談部。

躬穹穹 躬當作躬。宮省聲。穹當作穹。宮聲。穹卽窮。亦躬聲。其从弓者。司馬相如等妄作也。桑柔。空大谷。韓詩空作穹。薛君章句。穹谷深谷也。則穹卽窮。牛氏定聲徑收穹於升部。弓下。乃所引穹隆穹崇。則冬部疊韻。可見穹卽窮。非弓聲矣。西漢時弓字已誤入東部。今姑移系弓下。

戎 說文𠂔也。从戈。𠂔甲。如融切。字收冬韻。本無可疑。詩下

也無戎韵務以修我戎韻祖父江氏謂戎有汝義遂有汝音此音韵之變非可以例求者吳才老韵補云務古人讀作蒙虬當作雫以叶戎此說人頗非之實爲有見蓋務从矛聲在幽部幽與冬同入故務戎可以爲韵愚嚮據左傳作侮據易古本作寇爲東侯相通之證今依孔氏分東冬爲二因參用吳說而前說遂廢 鄭軒又謂戎讀若仍與朋韵不與務韵故集韵戎兼收烝其說亦可存參

茸 說文艸茸茸兒从艸聰省聲而容切 段注茸之言戎召南毛傳曰禮猶戎戎也韓詩何彼戎矣左傳狐裘龙茸卽詩狐裘蒙戎今本作聰省聲乃淺人所肌改當作从艸耳

聲、此形聲之取雙聲不取疊韻者、王荅友曰、今本作聰省聲、此不知音者所改也、漢書司馬遷報任安書、茸以蠶室、文選作俱之蠶室、此茸从耳聲之明證、按此等諧聲最爲無理、何不竟作聰、而必去聰留耳乎、苗先路以爲省聲者、省去聰字、殊屬妄解、段氏王氏以爲耳聲是也、以爲雙聲則非、蓋耳聲在之部、之轉烝讀仍、仍乃聲、亦由之轉烝、隔需聲、亦由之轉烝、則茸、烝韵字也、烝與冬通、遂誤入鍾、如雄熊馮弓之類、孔奭軒曰、左傳狐裘蒙茸、詩作戎、戎集韵兼收烝韵、故常棣每有良朋、烝也無戎、朋戎爲韵、其說頗好、當據此改收茸於之部耳、下而互見于烝冬。

朱 說文居也从宀从木 傳本系松下似當作松省聲愚謂
亦可作木聲如叻竦之類然無確證仍作孤文可也

弟四部一 烝

𠂔 說文無此字。姚氏據玉篇補入聲母。今從之。王荅友曰。說文無𠂔字。朕皆在寢韻。併在證韻。此三字爲一類。送从併省聲。蘇弄切。今作送。此字自爲一類。勝膳膳膳膳膳膳膳皆从朕聲。仍與併同類。褒从朕聲。其正文𠂔从𠂔聲。唐韻而隴切。與送一類。玉篇𠂔子徇切。廣韻𠂔子峻切。同爲一類。膳徒耐切。獨爲一類。然則𠂔字凡四聲也。按王氏此說。剖析甚明。而不知實一聲也。在烝韻者。本聲也。在東侵之者。正通旁通也。讀子徇子峻者。音之變也。𠂔唐韻讀而隴。自是不易。尙書𠂔亦讀而隴。乃說文引作𠂔。从毛隹

聲與子徇子駿近矣。此其變之迹也。

𢇛 說文从辵倂省。蓋因籀文作𢇛耳。小篆省人止可作𢇛聲。說文無𢇛字。傳云𢇛字爲倂𢇛諸字之聲母。今由𢇛得聲者皆收烝韻。獨此字鄭風與丰巷同用。蓋古人偶通。非本韻也。按𢇛聲自當以烝韻爲主。但𢇛字从𢇛其原又出於東。東烝本相通也。𢇛彝器作𢇛。不从火。

𢇛 說文我也。从舟倂省聲。徐音丑稔切。按字旣从舟。義當屬舟。訓我者段借耳。倂省聲當作𢇛聲。丑稔切當作丑拯切。烝韻字也。廣韻收寢烝侵通也。今作朕。

𢇛 說文神蛇也。从虫朕聲。按詩去其螟𢇛。當作𢇛。古音𢇛。

蟻相近，遂假借。然亦見烝之相通矣。他如徵之讀止，仍之从乃，鼎之音奴鄧切，皆是。

𧈧 說文，从能炎省聲。徐羽弓切。苗氏曰：當作弁省聲。蓋炎

炎形近致誤。段氏不知，誤收談韻炎字下，殊屬失考。顧氏左傳正義引張叔皮論曰：賓爵下革，田鼠上騰，牛哀虎變，鯀化爲熊，久血爲燐，積灰生蠅。王劭曰：古人讀熊于陵反，張叔用古音也。熊當改入烝韻。此字聲究難定，今收入孤文。

𧈧 說文鳥也，从佳瘖省聲。或从人，人亦聲。徐鍇曰：鴈隨人所指縱，故从人。籀文𧈧从鳥。王萊友曰：此字可疑者凡有

數端。从疒之字多矣。何由定爲瘖。一可疑。字本从人而說。或从人似篆體本不从人。而別有从人之字爲其重文也者。二可疑。朱氏據或从人之語。增出不从人者。殊覺多事。且因瘖省聲。收侵部尤謬。卽一字从兩聲。則曰人與瘖省皆聲可矣。何必分之成騎牆之見。三可疑。形聲字亦有省者。从其義也。雁能鳴。不得謂之瘖。四可疑。竊謂雁字當是从隹。从疒从人。會意字也。疒蓋疾病字。而借爲疾速之意。鳥莫速於鷹。故从之也。其从人則如小徐說。石州曰。人與鷹古音判然不合。人亦聲三字必非許語。苗氏曰。瘖人皆非聲。不得已改作鷺鳥也。从隹从疒。併省聲。若不省當作癘。今徐本作癘。旣从隹復从鳥。故六

書精蘊亦以爲贅。按葉友石州所見近是。特小徐說人字尙有可疑。觀雁字亦从人。豈雁亦隨人所指縱耶。苗氏說从倂省聲。此在雁字則可。若雁字則又何說。竊疑此字非形聲字。不得強解。檢毛公鼎膺受大命作𠂔。借雁爲膺。不从𠂔。亦不从人。特不審𠂔爲何物。今推爲聲母。闕所疑以俟考。籀文从鳥。當是去佳从鳥作𠂔。若从佳又从鳥殊不成文。誠有如六書精蘊所譏者。

𠂔 說文古文鳳字。象形。鳳飛羣鳥從以萬數。故以爲朋黨字。按此說穿鑿不可從。今以此字專屬古文鳳。收侵部鳳下。別以𠂔爲古文朋。蓋古文朋與古文鳳其形相近。許氏遂

溷爲一字。不知朋之古文作拜，象貫貝形。凡彝器十拜出拜，易十朋之龜，詩錫我百朋，俱指貫貝說。引伸其義，作友朋字。經注同類爲朋，言如羣貝之貫於一索也。詩曰及爾如貫，亦取同僚相連屬之意。翺、翬、朋、鵬等字，凡收烝韻者，皆由拜得聲。與翽之象鳥形者異。

鷦

說文亦以爲古文鳳字，今系朋下，以爲鷽鵬字。

曾

說文詞之舒也，从八从曰，囙聲。姚苜因說解囙聲，遂與

囙合一部。按曾古彝器作曾，無从囙者，知非囙聲也。今專列烝部，互詳東部囙字下。

雄

說文从佳厶聲，徐音于陵切。今誤收東韻，江氏標準辨

之詳矣

乃說文曳詞之難也。象氣之出難。徐音奴亥切。按長箋乃讀若仍。故从乃得聲者。若扔訛枋。說文俱讀仍。鵲集韵寧鄧切。可見从乃聲者。俱音如乘切。則乃字亦當讀仍矣。段氏收乃於之韵。收仍於烝韵。一聲遂致兩歧。今俱收烝韵。而增其聲於之韵之末。以存烝之相通之迹。

𠂔說文驚聲也。从乃省。西聲。籀文𠂔不省。或曰𠂔往也。讀若仍。徐氏曰西非聲。未詳。音如乘切。據此則𠂔亦當收烝韵。不但不从西聲。亦且不从西字。西古作𠂔。象鳥棲於巢上。𠂔其巢也。蓋烏鵲營巢。用木枝縱橫葺之。今𠂔字作𠂔。

廔廔諸形並無弓棲其上。俗作廔廔皆非。

拊 說文上舉也。从手升聲。易曰拊馬壯吉。或从登作橙。鉉曰俗別作拯非。按說文有拊無拯。段姚據明夷釋文引說文補拯字。又據淮南子補或文橙。今從之。段氏徑刪拊字。未免武斷。茲從姚氏作拯之或文。而仍系升聲下。

弓 說文以近窮遠象形。王萊友曰。段氏謂以窮說弓爲疊韵相訓。語最惑人。漢世或然耳。古音弓在烝部。窮在東部。不爲分疏。貽誤後學。按字本孤文。無諧聲字。漢人溷弓於東。改窮躬營等字俱从弓聲。而實非其聲也。姑移系之。

凝 俗冰字。冰本作人。後人以冰代人。遂別作凝字代冰。此王

覺九之說

龜 說文鼃龜也从𪚩象形莫杏切籀文作龜 按此字說
文無聲讀徐音莫杏切段氏據之收陽韵於烝韵蠅繩無
由得聲遂推蠅字爲聲母不知徐之莫杏切杏乃今之方
音讀如幸非古音讀如杭上聲也則龜字正當讀莫拯切
音夢上聲鄔蠅蠅繩蠅各字皆由此得聲說文於虫部
蠅字訓蟲之大腹者於糸部繩字則訓从糸蠅省聲此等
恐是徐氏改竅非許氏原文段氏精於說文乃亦錮蔽至
此籀文龜蓋亦象形苗氏以爲𪚩聲非

徵 說文召也从徵省王爲徵行於微而文達者卽徵之陟陵

切。此說輻輳難明，恐非古人本意。考古文作𣎵𣎵𣎵𣎵，
諸形不解所謂。又音止，亦烝之相通。

第五部 青 舊標耕

冥、冥本从口聲、音覓、在支部入聲、錫韵、今讀爲銘、青支同入於錫也。 𠂔从口聲、亦收於此、姚系曰聲非、

刑荆 說文刑剉也、从刀开聲、戶經切、又荆罰辜也、从井从刀、

易曰井法也、井亦聲、戶經切 王氏釋例曰、开古賢切、小

徐以爲开但象物平、無音義也、彼蓋見从开聲者、四分五

裂、故爲是通詞耳、豈有無音義而成字者乎、妍訡汧研𦵏

等字爲一類、皆从古賢切得聲、𦵏𦵏𦵏𦵏等字爲一類、

皆收齊霽韵、形刑邢及山𦵏得聲者共爲一類、收耕青先

韵、開字別有說、按萊友此說甚好、但以一开字而騎三

四韻殊覺未安。且將並讀古賢切乎。抑別有音切乎。不能定也。攷說文荆作井亦聲。與刑當是一字誤分。且金部鉶字。土部型字。俱从荆。不从刑。古文荆字作𠂔。亦不从刑。由斯以推。則形刑亦不从开。可知也。惟筭字从开聲。實所不解。𠂔今作𠂔。不从开。似筭𠂔𠂔等字。亦不从开。如簪字本作先。象簪筭之形。則筭字亦當作𠂔。象兩手先筭之形。開字从𠂔。則象兩手拔開之形。故開筭古同歸脂部。如此分析。則收元韻者作开。古賢切。收青韻者並从井。收脂韻者並从开。讀若筭。則三形三聲。劃然矣。但無徵不信。何敢妄改。今仍从舊文。分隸三部。而注明互見。以待參考。又按。

开古或作𦵏，則凡古賢切者並作𦵏，而讀若筭者並作开，亦可。

倩 从青聲而讀倉見切，音之轉也。論語引詩，倩盼綯三字同用。青聲在耕，分聲在文，句聲在真，當以真文正通爲主。轉青聲以合之，不宜三字均轉入元韻也。詩有踐家室，韓詩作有靖家室，靖音轉踐，與倩正同。

猜 从青聲而讀倉才切，青與才甚遠。青之二部，古無通徑，疑必有誤。或是由青轉支，如冥霰擲蹠之類，則讀倉才切者，亦若鞣厓柴乖買派之俱轉佳皆灰也。

耿 說文耳箸頰也，从耳炷省聲。杜林說耿光也，从亢聖省，凡

字皆左形右聲，杜林非也。徐鍇曰：凡字多右形左聲，此說或後人所加，或傳寫之誤。古杏切。王氏釋例曰：大徐謂从光聖省，承上耿光言之。耿訓光，故从光省。文王聖人也，故从聖省。此說與許君語例不同。且耿字豈獨爲文王作乎。韻會改爲从火，忘其爲杜林說也。段氏乃从之乎。凡字左形右聲，此句乃全不知六書人語。然就本字言之，則不誤。左形謂从耳也。右聲謂炷省爲火也。小徐舉鳥部字以駁之，已謬。大徐引小徐說，又改之曰：凡字尤鹵莽。按王氏此說，辨之頗詳，然祇得耳箸頰之義，於耿光之訓無涉也。若从許，則耳義火聲。若从杜，則火義耳聲。今經傳所用，

義居多。未見有从耳義者。故段氏从杜。不知訓光之字
當用炯。其用耿者。段借也。嘗讀詩楚辭而得之矣。詩柏舟
耿耿不寐。如有隱憂。楚辭哀時命。夜炯炯而不寐兮。懷隱
憂而歷茲。遠遊夜耿耿而不寐兮。注耿一作炯。又詩衣錦
褰衣。中庸作衣錦尚絅。以此參觀互證。知耿與炯同音相
借。說文炯光也。書陟丕釐上帝之耿命。以觀文王之耿光。
皆與炯光義合。想書本作炯。段借作耿耳。毛公鼎文武說
耿光耿作耿文於炯訓光。凡从光得義者。皆當作炯。不當作耿也。耿但
訓耳箸頰。與聑義近。未嘗訓光也。其作炗省聲者。讀若炯
也。炗主聲在支支青
轉紐旁通故讀炯後人因其音近炯。故借作炯字用。而

實非本義也。訓光者从火同聲。訓耳箸頰者从耳炗省聲。雖同隸青部而取義自別。各守本義無相瀆也。不然許君於耿字下何不引申光明之義而但以耳箸頰說之乎。自杜林从光聖省之說或於前。小徐右形左聲之說紛於後。而炗光之炗與耳箸頰之耿幾無人能辨之矣。不有楚辭之用柏舟又安所據而正之。炗省聲太迂擬改炗省聲古杏切。杏在陽部擬改古穎切。

𩇑 說文𩇑从女𩇑省聲以成切。𩇑从貝𩇑聲徐曰當从𩇑省乃得聲以成切。王荅友曰𩇑即果切从其聲者𩇑𩇑𩇑𩇑轉而从𩇑聲者𩇑𩇑𩇑皆同而𩇑𩇑及𩇑𩇑亦皆

从羸聲而讀若盈。則與郎果切遠矣。大徐曰羸當从羸省。乃得聲。段氏曰羸當从貝羸。羸者多肉獸也。會意。筠按此亦強說。案徐說非也。羸郎果切。凡由羸得聲者皆收歌韵。與羸聲最遠。徐氏意蓋欲以羸字爲聲母。不知古姓大半从女。如姬娼姜姑嫜之類。女字之外皆聲也。羸字除女字爲羸。羸當是聲。與歌韵音郎果切者恐非一字。故王氏亦以讀若盈者與郎果切遠。嘗見筠清館鮑子簠羸字作𧈧。中間似能字左半。意此字或不从羸聲。又春秋葬我小君敬羸。公穀並作頃熊。知羸之形近熊也。彝器有𧈧。𧈧卣。吳清卿中丞釋熊。愚謂是羸字假借作羸。蓋秦器

也。據此則青部當作𦵏形。與歌部羸別。又按羸羸二字，許氏一作羸省聲，一作羸聲，自相歧異。羸从羊羸聲，力爲切。則羸亦當作从女羸聲。諸家因卽果切與以成切遠，故別生枝節。不知卽果切乃後世轉音。本音均當作力爲切。羸羸羸羸皆此音。支部字也。支正轉爲歌。而有卽果切矣。旁轉爲耕。而有以成切矣。其實一字一音。本無錯誤。得其轉紐。不但徐段王之疑案可解。卽余鄉者別爲二字之說，亦可以廢矣。是否有當，待正高明。

平字收青韵無疑。書王道平平韵偏。詩平平左右。春秋傳引作便蕃。書平章百姓。史記作便章。索隱曰古文尙書作平。

平既訓便，因作便章。其今文作辯章，古文平字亦作便，便則訓辯，遂爲辯章。按辯同辨，辨古作采，與平字形近，其實皆系字，非平字也。勿捉。

程書平秩，史記作便程。按程當作程，音程。至呈形近致誤。

猶載從至聲，今作戴也。太室石闕額室作囙，可證至呈之

誤。此條說詳至部。
戴字下參看

靜說文審也，从青爭聲。徐鍇曰：丹青明審也。按从青於義

無取。楚金說亦傳會，當作从爭青聲。吳清卿中丞曰：靜不爭也，以相反見義得之。但青爭同在一部，姑仍許氏之舊。尚書注：奠讀爲定，鄭字從此得聲。擲鄭聲，讀若躋，則青支

奠

之旁通也。或收元部非。

第六部 眞

怜 說文無此字。此哀怜本字。憐之古文也。从心令聲。讀若鄰。詩苑柳桑柔何草不黃凡三用。皆在眞部。後人誤溷矜字。又誤入烝韻。顧氏江氏曾辨之。但知在眞韻。而不知此字不从矛今聲。从矛今聲。別是一字。隸侵韻。說詳侵韻矜字下。前云說文無怜字。但有憐字。訓哀也。乃怨字下古文作𢇇。字形與命一例。細審之。眞怜字也。字典收古文怨字。作𢇇。𢇇無非怜字也。夫怨字从死。而从死之字多矣。何獨怨之古文从心从令乎。精蘊謂从命。轉注謂从心。可見𢇇乃憐之古文。不知何時錯置怨字下。得之不禁狂喜。

論衡雷虛篇引尙書、予惟率夷憐爾、今多士作率肆矜爾、
又引論語、則哀憐而勿喜、今作哀矜、錢竹汀十駕齋養新
錄曰、矜憐古今字、與余矜字辨相合、惜其只知矜爲古憐
字、而不知矜爲怜之譌字也。然得此一證、不啻獲十朋之
龜矣。廣韻憐字注云、愛也、又哀矜也、又怜字注云、俗、夫不
以怜爲憐之古文、反以怜爲憐之俗體、其承誤固不足異。
乃注云哀矜、而不知矜卽怜、可怪也。然收古文爲俗文、較
勝於並俗文刪之者矣。

𪔐

說文鄰道也、聲讀闕、徐音鄰、絳切、段注云、徐依𪔐字之音、
非有所本、按苗氏音鄰、許氏既以鄰道說之、意卽古文

鄰或又作○○△△姑列眞部

眞 大徐新附眞眞也从宀眞聲支義切 案眞聲與支義切不合諸家皆以爲置字之誤檢网部置赦也从网直當作直亦聲古音在之部或以爲寘字之誤說文寘塞也詩寘彼周行寘予于懷與寘字亦不合疑此字由眞得聲轉至部讀若至於廣韵當收六至唐宋時寘至溷一故大徐作支義切也今姑收眞部

咽 說文嗑也从口因聲烏前切 按因聲在眞部轉至部讀噎收入聲質屑韵段氏謂與韵合從之

隻 說文營求也从𠂔从人在穴上商書曰高宗夢得說使百

工匱求得之傳巖巖穴也徐鍇曰人與目隔穴經營而見之然後指使以求之反所指畫也朽正切按匱之讀有四營求即以同聲說之匱求書序作營求是匱可讀營也韓詩干嗟匱兮毛作洵是匱又可讀作洵也唐韵匱許縣切是又讀環也說文兀下云讀若匱徐音五忽切是又讀兀也从匱得聲之字五一瓊說文從玉匱聲或文作琉璃琤三形是喬聲舊聲旋聲皆與匱通也招魂瓊與光張璜叶又轉入陽部矣一匱說文从艸匱聲徐音渠營切是音莞也爾雅蓄蓄茅蓄本艸謂之旋蓄花是匱又可轉音旋也一趨說文走意也从𠂔匱聲讀若縞徐音居聿切本部趨

狂走也。从𠂔𠂔聲。徐音余律切。與趨同音。是𠂔聲亦可讀𠂔聲也。一讀說文流言也。从言𠂔聲。徐音火縣切。朱氏定聲謂與誦同字。是讀環者亦可讀誦也。一讀其或文𠂔。說文環之有舌者。从角𠂔聲。或文𠂔聲。徐音古穴切。是𠂔聲者亦讀𠂔也。爾雅環謂之捐。捐卽𠂔。集韻作𠂔。詩鑒以𠂔。詩詁云此局𠂔之𠂔。不特施於車。莊子固局𠂔。崔注環舌也。徐曰言其環形象玦。是𠂔讀𠂔。又讀捐。又讀玦也。又𠂔部𠂔。从𠂔𠂔省聲。徐音呼貫切。是𠂔與𠂔亦同聲也。以上𠂔字。與𠂔聲字。及𠂔省聲字。及𠂔聲或體字。讀營。讀𠂔。讀環。讀𠂔。讀旋。讀捐。讀𠂔。讀兀。讀𠂔。讀𠂔。讀玦。紛紜雜錯。

不一其形。不一其聲。將何以定其部居乎。段氏因說文夬从夬省。遂誤以爲夬聲。收夬於元。今依傳青餘古音類表收眞部。讀渠勾切。爲本音。其讀營莢者。眞之轉青也。其讀誦繻者。眞之轉至也。其讀瓊者。眞之轉元也。讀兀玦者。眞轉文元。又轉脂祭也。瓊之或文从嚮者。由青轉支也。蓋夬本眞部字。由眞而文。而青。而元。聲之正轉也。由眞而至。由文而脂。由青而支。由元而祭。聲之旁轉也。得其轉之徑途。尋其轉之脈絡。試與郇絢惇營瑩螢景媛還環諸字。參觀互證。則古今音變不難識矣。今將眞青元三部展轉相通各字。附列於後。以備考。

仰旬聲在眞、廣韵又音環則在元、

絢旬聲在眞、論語與倩盼爲韵則在青、文、讀煊去聲又轉元

惻旬聲在眞、詩憂心惻惻音莞則在青、

營熒省聲在青、通還環則在元、

熒熒省聲在青、通叢嬾則在元、

螢熒省聲在青、通妍蜎則在元、通蠲又在支、

賁本聲在元、詩獨行賁賁音莞則在青、

嬾賁聲在元、詩嬾嬾在次音莞則在青、

還賁聲在元、詩子之還兮班史作營則在青、

環賁聲在元、韓非子自環爲私說文作自營爲人則在青、

旬 說文駢言聲、从言勻省聲、又讀若玄、猶从勻不省、虎橫切、
當作虎眞切、

粵 驚詞也、从兮旬聲、或作惛、思允切、按旬聲當讀思勻切、
音洵、今轉音讀熒、亦猶詩于嗟洵兮、韓詩作夔也、其从于
作孖者、形誤也、此字說文但訓驚詞、無熒獨之義、其或體
作惛者、段借也、旬聲在眞韻、而玉篇粵居先切、又音瓊、正
字通粵、惛、孖、並通、廣韻惛渠營切、音瓊、憂也、詩憂心粵
粵、又獨也、詩哀此惛獨、周禮註無兄弟曰惛、書無虐惛獨
今作熒、孟子引詩作哀此熒獨、集韻又作忼、惛、字典惛訓
憂、惛訓獨、近日字書多分、然經書於惛字訓憂、又訓獨、蓋

憂從獨生。而嫋嫋熒熒等字。經傳錯引互見。大抵皆通嫋。集韻音荀。與大徐同。以上各字。形殊音異。幾乎不知所從。經傳無用韻者。惟杖杜獨行。芻芻又作芻。周頌芻芻在。疚又作嫋。皆當作熒。熒熒省聲。與音瓊者近。故嫋字句聲。而亦讀瓊也。且嫋从熒聲。固當音環。而郇字廣韻亦音環。集韻或作郇。是句熒同聲矣。夫从句从熒从熒省。既不一其形。而句在真。熒在元。熒在青。又不一其聲。顧氏因其難分。遂將真諄臻文欣元魂痕寒桓刪山先仙十四韻合爲一部。不知古人有本音。有借音。有正音。有轉音。有當時誤字。有後人妄改之字。不可盡據爲典要也。今姑爲分析之。

粵嫫嫫鄒恂等字收眞韵。景媛等字收元韵。梵字收青韵。詩獨行賈賈當作梵。餘俱讀本音。經傳有互借者。當分別義意。或讀正音。或讀轉音。其本音則不可亂也。如此乃庶乎有界限耳。此條與前隻字說參看

民昏 顧江以眞諄合一。故昏亦从民。謂大車之疾。何彼禮矣之緝。皆唐人避太宗諱所改。段氏分眞諄爲二。故昏皆从氏。不从民。謂顧江改字從韵失之誣。今詳參二說。各有得失。而段氏較長。因徧檢說文。珉从民聲。珉亦不从民新坳泯从民聲。此無可疑者。敗从民聲。敗从昏聲。說文無昏字。其昏字注云。从氏省。是不从民也。又一曰民聲。是昏亦可从民。

也。昏昏既無一定。故歸从民也。乃注則曰。敝聲。蠱民聲也。乃又作蠱。注曰。以昏時出。是从昏者可作昏。从民者亦可作昏也。詩維絲伊緡。說文作緡。从昏聲。是昏昏終不知是二是一矣。不得已檢經傳之入韻者。凡用民字皆在眞韻。無入諄韻者。此無可疑也。由民得聲者。詩靡國不泯在眞韻。大車祇自疢兮。韻塵。正當从民。而段氏謂不宜改。夫昏與昏或可合韻。而氏與塵不可合韻也。此當改者不可不改也。維絲伊緡。韻孫。諄韻也。字當从昏。而顧江从民。則提眞韻矣。多我覲瘠。韻慙。辰。諄韻也。亦當从昏。而江氏亦从昏與痕字爲一。則又提眞韻矣。此在所當改而可以不改。

者也。若據楚辭大司命以塵韻雲門，則塵字可以入諄。大車之疵，或亦瘠之訛也。然眞諄旣分，則民昏不得不分。今定以入眞者从民，入諄者从昏。經傳無證，亦可審其音義以別之矣。塵字收眞，本無他證。若以大司命例之，則大車之塵疵，自可收諄。乃古詩十九首以塵韻陳神眞申津辛，皆眞韻字，不雜入諄韻一字。則大司命又未可據矣。要之眞諄分二，乃段氏巨識。雖戴氏據正月之鄰云以駁之，正不得因此一二處而遂疑之也。塵字無可說，因辨疵字增錄於此。

痕

說文無此字。詩大車祇自痕兮，今作疵。疵氏聲在支部，與塵不叶。顧江以爲唐人避諱所改，集韻痕眉貧切音璿，病

也本作瘡。今將形聲相近各字增辨於後。

疵唐韵渠支切音祗。詩俾我疵兮韵卑在支部。

疵正字通同疵。此疵之訛當削。

瘡廣韵武巾切集韵呼昆切音昏。詩多我覲瘡今作瘡韵。

慙辰在文部。

瘡字彙與瘡同。此係誤字當削。

平說文从飛而羽不見息習切。此字自應收眞部而由平

得聲者如訊字詩歌以訊之莫肯用訊廣韵楚詞注皆引

作諄顧氏謂訊乃諄之譌而思元賦魏都賦皆讀訊爲諄

江氏謂相近故譌錢辛楣十駕齋養新錄謂卒譌平乃六

朝人艸字卒作𠂔形近所致理或有之。蝨字亦从𠂔聲而讀若瑟。則由真轉質之故。漢孤兒行以蝨韻塵則未轉之音也。然真能轉質不能轉脂。故知許爲詳。乃形誤非聲誤也。

𠂔 說文擊小鼓引樂聲也。从申東聲。羊晉切。按周禮鄭注。𠂔小鼓。詩應田縣鼓。田卽𠂔。申田一聲。此字當从申聲。若从東聲。則不應作羊晉切。許氏引字旣以同聲爲訓。恐从申東聲四字乃傳寫倒置耳。

𠂔 說文古文作𠂔。玉篇作𠂔。集韻作𠂔。字彙補作𠂔。𠂔。按古文當以集韻爲正。蓋从舟聿聲。不得从準。準在脂部。與

眞不通。疑此或作𦨇。从舟進聲。進與準形近致誤。其从淮从隹者皆進之訛也。苗氏曰：夏英公四聲韻引崔希裕纂古津古文有𦨇字。始知𦨇爲𦨇。𦨇譌進。閫省聲。與同部也。游古文作𦨇。譌水爲𦨇。可以互證。

身 當是人亦聲。或作𦨇省聲。非。

穿 說文从牙在穴中。當是因鼠牙穿墻而誤。按集韻別作穿。从穴身聲。苗氏系身下得之。

郛 說文宋魯間地。从邑晉聲。卽移切。段氏謂古音在眞。今郛在五支者。蓋由杜預以訾城當之而同其讀耳。集韻類篇皆有卽刃切之音。按此或是由眞轉至。晉珪聲珪至。

聲。不必定是杜氏之誤。

第七部 文 舊標諄

𡗗

徐鉉曰字書所無不知所从無以下筆易云定天下之𡗗

𡗗當作媿此鉉列俗書二十八字之一也今易繫辭作

成天下之𡗗𡗗者又詩𡗗𡗗文王𡗗𡗗申伯禮君子達𡗗

𡗗焉皆从一讀作媿詩鳧鷖在𡗗與熏欣芬艱爲韻則讀

作門注水流峽中兩岸對出若門也前漢地理志浩𡗗水

在金城亦音門集韻莫奔切則𡗗字之本音也又通作麋

湄眉詩居河之麋注水草之交曰麋左傳余賜汝孟諸之

麋注麋湄也荀子非相篇伊尹之狀無鬚麋大戴禮孔子

愀然揚麋麋與眉同秦風在水之湄爾雅水草交爲湄釋

名湄眉也。臨水如眉也。又詩眉壽無疆。眉壽保魯。綏我眉
壽。彝器文皆作𡗗。周公鸞鐘作𡗗。叔夜鼎作𡗗。伯碩
父鼎作𡗗。頌鼎作𡗗。齊侯廡作𡗗。辟侯盤作𡗗。
審其文中从頁。古首字不从西。顏師古等慈寺碑銘。𡗗社作
𡗗。𡗗作𡗗。猶存古意。今變从且。失之遠矣。門眉二音。以
輕唇攝之。則合爲一聲。故音門者轉而爲眉。彝器𡗗壽。或
作麋壽。猶云壽無期。壽無疆也。解作老人眉長非是。阮相
國學經室集釋門。凡事物有閒可進。進而靡已者。其音皆
讀若門。或轉若每。按轉平聲。則讀若眉。若免若敏若孟。而其義皆同。
其字則展轉相假。物中有閒隙可進者。莫首於門矣。其形

二戶其音則與夔同也。夔從夔得聲，而夔又變為𡗗為𡗘。為𡗗雖非說文所有，而實漢以前隸古字。周禮注：𡗗王之
坼也。方言：器破而未離謂之𡗗。釋文：𡗗本作𡗗，是𡗗𡗘同
音義也。玉中破未有不赤者，故以血塗物之間隙曰𡗗。由

是推之，爾雅：𡗗為赤苗。

詩作𡗗更可證門眉音轉之跡

說文：𡗗為赤玉。

按詩

義衣如瑞正當作𡗗與上如莢一例說文作𡗗

瑞為赤𡗗皆此音此義也。若夫進

而靡已之義。𡗗𡗗文王，卽勉勉我王。

勉勉我王荀子引作𡗗𡗗韓詩外傳亦作

𡗗𡗗文王

進無已也。詩：鳧鷖之𡗗，文王之𡗗。易：繫辭：禮器之𡗗。

皆為一字。特今人讀為二音耳。

按

阮說原文，偶引最繁，今

擇其合於𡗗字者錄之。鼎臣不知𡗗卽𡗗之或體，故列入

俗書而謂之無以下筆、且不知本音讀門、而謂當作媿、崔
靈恩、周伯琦等、遂妄意改經、皆鼎臣作之偏也。今據經文

補釁下。與脂部眉
字說參看

蓼 說文赤苗嘉穀也、从艸釁聲、 又說文藹下云、以藹爲縹、

色如蓼、故謂之藹、藹禾之赤苗也、从毛藹聲、詩曰藹衣如
藹、 按今毛本作藹、疑當作藹、與上如葵、均以艸色爲比、

因藹訓赤玉、遂通用藹、以玉色爲比猶可、若用藹則以藹
縹比藹衣、物屬同類、全失如字之妙矣、况藹字許氏仍以
如藹說之、詩人何苦多此曲折乎、且藹聲在元、噶奔在文、
本非一部、藹藹俱讀若蠻、段氏表以藹聲列元、而藹字獨

列文一聲兩歧矣。蓋兩聲讀門者，乃元文之轉。故夔冬一名滿冬。

昏 說文曰冥也，从日氏省。氏者下也。一曰民聲。顧氏詩本音底字下云，唐石經此字作底，从氏。唐人避太宗諱，凡字从民者皆省爲氏。今人書昏爲昏，猶其遺法也。張參五經文字，愍字下云，緣廟諱偏旁準式省从氏。珉字下云，莫巾切。禮記作璿，是其例也。書康誥大泯亂，唐石經作泯，與大車之底何異。段氏曰，昏古音在諄，不在真。昏聲之字與文聲字通，如蠱蚊敬敝之類，與真韵別，不得从民聲。隸書淆亂，乃有作昏者。顧氏曰，唐人避諱从氏，慎矣。一曰民聲。

四字蓋淺人所增。非許本書。王荅友曰。昏从氏省。當作昏。不直作昏。按唐人避諱之說。見於五經文字者。彰彰可見。特不可據以論昏字耳。蓋从昏之字。唐以前已有从昏者。故唐人著爲諱例。非昏字盡爲昏改也。顧氏說固偏。段氏駁之亦過。今定爲隸文部者。皆从昏。不从昏。說互詳眞部民下。

𠂔 說文鳥在巢上象形。日在西方而鳥棲。故因以爲東西之西。先稽切。段氏曰。鳥在巢上。此篆之本義。今音先稽切。古音讀如詵。讀如僊。故西施亦作先施。漢書西遷也。古音在十二部十三部。眞諄又曰。古本無東西之西。寄託於鳥在

巢上之囀爲之。按段氏騎眞諄兩部。今專收諄部。卽聖晒等字可見。後人製棲字以妻爲聲。專以西爲東西字。而古義晦矣。又因棲字遂并囀字亦轉先稽切。而古音亡矣。詩可以棲遲。漢嚴發碑作西遲。猶存古字。顧氏唐韻正音先引漢書郊祀歌以西與泉員文韻。易林以西與恩分門先雲韻。按西先皆當讀犀禮切。漢人兼韻眞諄元。而諄實爲本韻。眞元次之。絕無一字韻脂者。可以識古音矣。

𠂔 說文宮中道。从口。象宮垣道上之形。詩曰室家之𠂔。苦本切。按當作宮中道也。从𠂔。象四達之形。𠂔省聲。諸家俱收眞部。今改收文。

肩 說文子孫相承續也。从肉从八，象其長也。从么，象重累也。

羊晉切。說解難通。段注亦穿鑿。姑闕所疑。詩與畱爲

韵，故并收於此。

𦣻 說文怒也。詆也。一曰誰何也。从支，𦣻聲。都昆切。又丁回切。

按此字音最多，要以都昆切爲主。其聲母在𦣻也。𦣻說文

孰也。詩信南山是烝是𦣻，讀若純。𦣻與芬韵，今讀饗非。凡从𦣻聲者

皆在文部。詩敦彼行葦，匪鶉匪鳶，並都官切。文之轉元也。

王事敦我，丁回切。𦣻𦣻𦣻𦣻，吐回切。漢書韋元成傳引作推推。儀禮黍

稷四敦，都內切。書凡民罔不懃，徒對切。文之轉微也。又行

葦敦弓，既堅，傳音彫。周禮每敦一凡，注讀燾，則漢儒誤讀。

文與幽宵不能通也

扌

說文恤問也。从子才聲。徂尊切。段氏曰：扌字才聲而在

十三部之諄合韻也。

按

之與諄不能合。爾雅在存也。在存

省士察也。扌扌士皆从才聲。其聲同其義同。既以聲兼義

則當與才同隸之部。乃易成性存存韻門。詩匪我思存韻

門雲巾員並隸文部。文與之自古不通。許氏恤問之訓屬

子。爾雅察也之訓屬才。疑此是會意字。不必強以聲讀。朱

氏定聲謂當从弄省聲。

按

弄在元部不合。或曰孫省聲亦

未塙。今推作聲母。

斤軍

此與敦字一例。凡斤聲之圻祈沂頤旂斬軍聲之暉輝

揮翬皆由文轉微。宜併收一部。不必存騎牆之見。顧氏

唐韵正近古音記謂與幾同是泥其轉音棄其本聲也。

折

說文以爲篆文𠂔从手。

按

此非𠂔字當从廣韵作𠂔舒貌。

从手斤聲。斤在文部。文轉微音祈。檀弓吉事欲其折折爾。

折折猶祈祈也。

廣韵猶提提也。檀弓注引詩好人提提。顧氏支脂不分故唐韵正亦音匙。不知此字

與祈圻順一例不得提。文部今移此字於文部斤聲下而祭部𠂔下仍存不削。

餐

說文作𠂔貪也。从食𠂔省聲。春秋傳曰謂之饗𠂔。他結切。

段注當作𠂔聲。鉉不明平入一理妄改之也。

按

𠂔聲據

新臺載芟以𠂔韵。洒浼以𠂔韵。耘收文部。乃𠂔之或文作

𠂔。殄之入聲讀餐。

音鐵

則𠂔又眞部字也。顧江戴眞文不分。

無所謂出入。今从段王分矣。而彡聲實騎兩部。意者彡髮之彡與鳥羽之彡分屬兩部歟。俟再攷之。

焚

說文作𤇀。燒田也。从火林。林亦聲。附袁切。按林聲在元。

今焚字收廣韻二十文。詩雲漢如惔如焚。與川熏間遞爲韻。與青蠅之焚言在元韻者迥別。且經典無从林者。疑此字从火从林會意。不从林聲。徐音附袁切。亦無他據。姑兩存之。

𥇑

說文周人謂兄曰𥇑。从弟从𥇑。鉉等曰𥇑目相及也。兄弟

親比之義。

目部𥇑目相及也。从目从𥇑省徒合切。

王氏筠曰。凡言及者必

自後及之。弟之所𥇑是爲𥇑矣。

按

𥇑字音義不一。裏𥇑聲

也隸微。𩚑𩚑𩚑聲也。隸文。還𩚑聲也。隸益。萊友亦以聲之
不合。又病大徐之說不顯。故曲爲之解。其實非古人制字
之本義也。姑闕之。又按𩚑弟之𩚑。經傳多作昆。艸部之
𩚑。廣雅作莧。魚部之𩚑。詩箋魚子也。爾雅作鯢。欠部之𩚑。
注昆干不可知也。廣韻作𩚑干。據此則𩚑字當有兩音。其
在盍部者徒合切。其在文部者當讀若昆。𩚑字乃文部諧
聲字。文與微對轉。故𩚑字亦从𩚑聲。許書𩚑亦𩚑聲。是不
以爲目及之𩚑可知。李陽冰謂當从𩚑省。是亦以目及之
𩚑與𩚑聲不合也。特不能辨其誤耳。今以𩚑次昆聲後。別
起。爾雅𩚑弟从日𩚑是昆省聲。或文部从𩚑之字皆由
見譌篆文𩚑𩚑形近致誤。歟然無依據不敢強說。

鯨 說文魚也从魚系聲鉉等曰系非聲疑从孫省古本切
此字別體有作鯨者有作鯨鯨鯨者王氏筠曰當作鯨从
弅省聲𠂇與系之古文𠂇相似遂訛爲系苟从系聲必無
由得古本切矣朱氏駿聲曰當作孫省聲 按二說俱非的
論姑闕之

誦 說文以爲美誘之或體 按此字殊覺不倫似當讀作循論
語循循然善誘人疑卽此字後人因與誘同義遂誤爲誘
之或體耳段氏以隱藏招人說盾字甚鑿宋宗室有與誦
善誦二人名未知作何音讀姑从盾旁移系之

玟 說文火齊玫瑰也一曰石之美者莫栝切 此字聲切不

符當有兩字。玉藻：士佩瑀。玼，集韻：眉貧切。廣韻：玼亦作玼，是玼乃珉之重文，亦作瑀。石之美者，專訓此字。許於此字下次以瑰字，則玫瑰是正訓。當从支，枝省聲。玼、玼二字奪去其一，遂以兩訓併於一字，而實非一字也。今以从文者收文部，讀若璿。據唐韻補：玼於微部，枝下讀莫悲切。孫莫栢切，非。又按：玼，枝一聲之轉，文微之通也。詩：汝墳伐其條枝，枝亦當从文聲，作枝。轉音讀眉。首句墳字亦是韻。轉音讀肥。故施之或體作贖。較前枝、枝兩字之說爲塙。

地 說文：地也，易之卦也。从土，从申。土位在申。苦昆切。按：許氏不从申聲。申，眞部。坤，文部也。然考乾坤字，漢魏以前無

作坤者。廣韻二十三魂。坤古文作𡿨。大戴禮保傳篇。易之
乾𡿨。史晨碑。乾山所挺。乙瑛碑。則象乾山。郝閣頌。川允之
間。衡方碑。威肅剝川。堯廟碑。乾𡿨見徵。周憬碑。乾山剖兮。
建兩儀。受禪表。下發𡿨珍。皆用𡿨字。唯開母闕。比性乾坤
作地。易坤卦釋文云。坤本亦作𡿨。𡿨今字也。六書正誤云。
𡿨字三畫作六段。象小成坤卦。陸氏以爲今字誤矣。玉篇
𡿨注。瀆曰川。古爲坤字。是以𡿨川爲一字也。王氏經義述
聞亦云。古借川爲坤。廣雅釋詁。𡿨順也。順亦从𡿨聲。是以
同聲爲訓也。蓋川古音春。與坤同部。形又相似。野王以爲
一字。不爲無因。但其義既殊。未便率合。想三代時川作𡿨。

三畫

坤作

六書

篆變爲隸，提而如一，漢人不能救其失。

乃別作从土从申者以當之。

乾震離等名恐亦後人所易

而之古文

廢矣。許氏土位在申，是據後天而言，豈伏羲畫卦時卽位

坤於西南乎？段氏泥位申之說，謂伏羲先天卽是如此，坤

是倉頡特造字，不得以爲坤，其說未塙。朱豐芑又改从

申作申聲，且以坤標眞部之目，愚向亦沿其誤。茲據漢魏

碑文、玉篇、廣雅，改文部而補其古文於下。庶眞文之界不

至相犯。

吞天聲恩因聲皆眞部諧聲而在痕魂者可怪

第八部 元

𦘒 說文馬𦘒飾也从糸母聲或从鼻鼻縮文弁 段注各本
每下有聲字非也今刪母者艸盛上出故从糸母會意猶
𦘒亦以母縣會意也或从鼻者以弁形聲 按段說非也
每卽鼻之訛篆𦘒與𦘒形近故弁譌爲每正賴有聲字可
以因聲而得每字之誤若並聲字去之又何由尋其端緒
乎至以艸盛說之是遷就𦘒蕪之借義而失馬飾之正義
矣段自知其說之難通特牽𦘒字作證不知𦘒亦不从每
羅有高正奈何據以爲證乎且或體作𦘒正𦘒之本字段
𦘒亦未明 旣謂以弁形聲何不卽此求之而別生枝節乎不得其聲

而妄刪聲字。不知此聲字，繇字之餽羊也。有心人方保護之，不暇而忍刪之耶。又按今文作繁，疑是繁字之誤，乃

叔向父敬文，多福繇釐，作繇，實是每字，亦可怪也。繇阮釋綏

采番弄 說文采辨別也。象獸指爪分別也。讀若辨。古文作𠂔。

番獸足謂之番。从采田象其掌。古文作𠂔。弄搏飯也。







从𠂔采聲。采古文辨字，讀若書卷。以上三字，形聲義各

別。許氏混而一之，非也。今條辨于後。采从千，从重八，象分

辨形。古文作𠂔，近似平字。書平章百姓。史記作便章。平秩

東作。史記作便程。程當作程東作。景君碑作辨秩。東衍。采便辨

同音相段。平卽采之訛。論語便便言，注便便辨也。采辨便

平皆重唇音。與獸足之番讀輕唇者迥異。且番象獸足。篆其掌非象其指爪也。左傳廌熊蹯不熟。請食熊蹯而死。蹯卽番之俗文。要皆謂其足掌。足掌有筋肉可食。若指爪則不可食矣。許氏指爪分別之訓。蓋不知番之不从采也。番古文作。玉篇古文播字作。九歌。芳椒兮成堂。王逸注。丑一作播。丁度云。古播字。番古作。或單或雙。皆象獸足之形。單形與采相近。故訛采。雙形與番相近。故訛番。知獸足之番。上非采。下非田也。許氏說田象其掌。段注謂上象指爪。是不知上下固無異也。莽當作莽。从从米。象兩手搏飯形。米卽飯也。若作采別之采。則無取矣。許氏知采之無取。遂作采聲。亦

知采之非聲。遂加讀若書卷一句。支詘之態顯然可見。蓋卷攝郡母牙音。采攝並母唇音。卷不得以采爲聲也。且使爲聲。則所搏之飯又安在乎。傳青餘觀察从米从収。得之以上三字。段氏合一。今姑从許書以番系采下。而舜則从傳本別列。亦不欲大背前人意也。

璫
說見文部璫字下

冒
說文小蟲也。从冎口聲。一曰空也。烏立切。鉉等曰。口音韋。按徐音非也。音韋者。作口。取矧巾之意。其輪郭極大。可以容物。韋字从口。已覺不倫。况冒字之聲。與韋絕遠。其不从口聲可知。意許氏所謂口聲者。當从○作小圓。但本書

無此字，只得以肩爲聲母。

卬 卬字在元部者，宜據經文改作卬。緇帛等字以之爲聲，與古文礦字作卬者別。姚以卬爲古文卵，未塙。

苑 說文茈苑出漢中房陵，从艸宛聲。按茈苑卽今之紫苑。

唐韵音宛，元部之上聲也。乃詩有苑者，柳有苑其特，苑彼柳斯，苑彼桑柔，並讀若鬱，則脂部之入聲矣。元與脂不能徑通，必先轉諄，然後通。蒙伐有苑，我心苑結，元之轉諄也。元轉諄，諄轉脂，脂轉術，物迄沒，乃得入聲。若一轉卽得讀鬱，只有脂部去聲尉蔚字。尉集韵音鬱，蔚唐韵亦音鬱。則詩用苑字，皆蔚之段借也。又易其文蔚也，韵炳君，炳當作

彫。江氏謂蔚卽蒙伐有苑之苑。音韞。集韻苑與蘊同。則易
用蔚字乃苑之段借也。蓋蔚可轉鬱而不可讀蘊。苑可轉
蘊而不可讀鬱。斷斷如也。廣韻二字並收八物。從其變也。
漢書張釋之傳。問上林尉。張遷碑引作苑令。亦由尉轉苑
之證。因苑字又悟谷風思我小怨。怨當作慰。慰有愠字之
訓。車輦以慰我心。韓詩作以愠我心。

怨。說文悲也。从心夨聲。段注本音弟十四部。元詩谷風合

韵。嵬菱讀如伊。此與敦之堆。焯之推。頤之畿。鮮之師。近之

幾。疊之尾。音收。疊本。鬱之微。古文。正同。五類六類。自可通也。按

段說卽諄脂相通之理。以例怨字。尙有未精。蓋怨字在元。

元與祭通。不與脂通。其偶通脂者，必先由元轉諄也。與上苑字
參至于鮮字，更非此例。鮮隸支部，讀斯不讀師。又按怨字古文，說文以𡗗字當之，非也。𡗗即怜。說詳侵眞矜怜字下。其宛之古文窓，當移置怨字下。

𡗗

說文目驚視也。从目袁聲。詩曰：獨行𡗗𡗗。段注本音弟

十四部。元詩杜杜合韵菁姓，字一作𡗗，則在本韵。按媛還

環皆由𡗗得聲，而他書往往與耕部字通用，則元之轉耕

由來舊矣。說詳眞部

𡗗 說文平也。象二對構上平也。徐曰：𡗗但象物平，無音義

也。孫音古賢切。說詳耕部

刑字下

衮 說文天子享先王卷龍繡於下幅一龍蟠阿上鄉从衣公聲古本切 段注台聲台古文沆州字也衮以爲聲故禮記作卷荀卿作褰王純碑以衮爲兖州字各本作公聲公與衮雖雙聲非同部爾雅音義曰衮說文从衣从台台羊更反或云从公衣从台當作台聲或云从公衣五字非許語許明云天子衣矣 按段說是也古文台公形近想許書本作台傳寫誤耳

鷩 說文無此字其鷩字下云雕也詩曰匪鷩匪鷩其鷩字下云鷩鳥也从鳥夨聲鉉等曰夨非聲一本从𠂔从萑省今俗別作鷩非是與專切 按大徐意蓋謂鷩卽鷩之本字

段注爲今之鶚字也。廣雅作鶚，古音於聲，勞聲皆在五部。魚五各切。詩匪鶚匪鳶，正義鳶作鶚，引說文鳶鶚鳥也。是孔冲遠固知鳶卽鶚字。陸德明本乃作鳶，云以專反。今毛詩本因之，又以與專反，改說文鳶字之音，誤之甚矣。鳶夏小正作弋，與職切，俗作鳶與專切。此猶鶚切以水譌爲以沼耳。弋者鶚也，非鶚也。又鶚下注，鶚雖夏小正謂之弋，弋變爲鳶，鳶行而弋廢矣。毛詩正義引倉頡解詁，鳶卽鶚也。然則倉頡有鳶字，从鳥弋聲。許無者，謂鶚爲正字，鳶爲俗字也。毛詩匪鶚，說文作匪鳶，釋文作匪鳶，不獨改其字，且非其物矣。大雅鳶飛戾天，與四月相類，鳶亦當作鳶，箋

云鳶鵟類云類則別於鵟經文本作鳶明矣正義又引說文云鳶驚鳥也此亦引說文鳶字而俗寫爲鳶耳蓋唐初已認鳶爲鳶故正義不能質言按段意謂鳶鳶二字二物。鳶卽鵟卽鵟卽小正之弋與職切之部入聲不得讀與專切也。鳶卽鵟卽鵟卽四月旱麓之鳶五各切魚部入聲亦不得讀與專切也而與專一切可徑廢矣戴侗六書故曰鳶非與專切此卽鵟字孫音誤也說文無鳶字王懷祖曰鳶與𪔐𪔐同音五各反說文引小雅作匪𪔐匪𪔐後人遂以鳶爲鳶而不知諸聲之不可通也玉篇亦誤讀爲鳶而廣韵與專切內有鳶無鳶集韵逆各切內鵟鳶並見

則韵書尙有不誤者。鳶字說文雖未載，以諧聲例求之，當从鳥戈聲，作鳶。古音在元部，說文闕从戈聲而讀若縣，戍从戈聲而讀若環，則鳶从戈聲而與專切亦猶是也。減之則謫爲鳶，增之又謫爲戴。原文引證增減後人以鳶爲鳶，失之矣。又曰夏小正鳴弋弋卽鳶之謫，蓋本作鳶，省作鳶，後又脫其下半耳。金履祥曰弋當作鳶。王伯申曰戴說是也。蓋說文鳥部有鳶字，傳寫脫之。數字下引詩當作匪鳶，因下與鳶篆相連，遂誤爲鳶耳。後人不知改匪鳶爲匪鳶，以復說文之舊，乃以誤寫之鳶爲古之鳶字，而音篆文之鳶爲與專切，遂使鳶字失其五各反之本音。鳶字失

其从鳥弋聲之本字。而說文之原文殺亂不可復識矣。

又曰段氏注謂鳶卽是鵟引正義爲證而欲改四月旱麓之鳶竝作鵟其說非也正義曰說文云鵟鵟也從敦而爲聲異於鵟也鵟之大者又名鵟孟康漢書音義云鵟大鵟也說文又云鳶鵟鳥也鵟鵟皆殺害小鳥故云貪殘之鳥以喻在位貪殘也以上正義正義引漢書音義以明鵟爲鵟類非謂經文有鵟字也若所據經文作鵟則當云鵟古鵟字孟康漢書音義云鵟大鵟也方合依經作解之例何得但云鵟之大者又名鵟而不及經文鵟字乎正義引王肅述毛云在位者非鵟鵟何得貪殘驕暴高飛至天則肅所據

毛詩亦作鳶不作鷯明甚。何得徑改其字爲鷯。至謂大雅
鳶飛戾天亦當作鷯則尤爲舛誤。大雅正義引倉頡解詁
云、鳶鷂也以經文是鳶字故引之也。若是鷯字則與鷂同
不得引鳶字之訓矣。段君不知以詩之匪鷯正說文匪鷯
之誤。反欲以說文傳寫之誤字改經文之字之不誤者。不
亦顛乎。按大小王氏意謂說文脫去鳶字其鷯字自當爲
鷂不得爲鳶。四月旱麓之鳶自爲與專切不得改鷯。說文
引詩匪鷯爲傳寫之錯誤。經文作鳶作鷂爲戈聲之增減。
據此則鳶定收魚之入聲。而鳶鷂皆當收元之平聲矣。

朱氏通訓定聲頤部雉字注謂鳶左傳作鷂从鳥戈聲四

月匪鵠匪鳶。鳶與下鮪字爲韻。存參。愚按諸說各有醇疵。而王說爲長。惟其改弋从戈。終覺未安。今定以鳶字收魚部。莠聲下。其鳶字从弋聲附之部。弋下从戈聲附元部。闕下从戈聲附之部才下。而以元部爲主。其原收眞部孤文者。削之。觀廣韻收鳶字於二仙可見。四月匪鵠匪鳶。不與天爲韻。其前三章卉漢水三字皆不入韻。而叶以旬者。不可從矣。

𠂔。說文稍前大也。从大而聲。讀若畏便。而沈切。按而非聲。朱氏作耑省聲。未見的據。姑闕之。𠂔聲字皆隸元部。後人多與之部之𠂔。侯部之需。相溷。𠂔需需三形近似故也。今

為分析于後

倮奴亂切

𦵏而緣切

𦵏而緣切

𦵏並而緣切

𦵏乃管切

𦵏乃管切

奴亂

倮人移切

𦵏或作

𦵏讀若

𦵏乃管切

𦵏而沈切

𦵏零帖切

𦵏廣韻

𦵏收葉當

𦵏廣韻

𦵏廣韻

改收

辭作零列

十三字皆

𦵏聲元部字也

𦵏換

𦵏儀禮釋文而

𦵏圓反說文誤

𦵏圓反說文誤

𦵏圓反說文誤

𦵏圓反說文誤

𦵏圓反說文誤

主切

𦵏玉篇如充切

𦵏禮玉藻誤

𦵏二字

𦵏亦元部字

𦵏亦元部字

𦵏亦元部字

𦵏亦元部字

𦵏亦元部字

𦵏亦元部字

𦵏亦元部字

𦵏並人

𦵏許讀

𦵏音那到切

𦵏而主切

𦵏而遇切

𦵏而遇切

𦵏而遇切

𦵏而遇切

𦵏而遇切

𦵏而遇切

𦵏而遇切

十一字皆

需聲

侯部字也

𦵏說文而主切

𦵏說文而主切

𦵏說文而主切

𦵏說文而主切

𦵏說文而主切

𦵏說文而主切

𦵏說文而主切

𦵏說文而主切

作陋又音仍之轉

𦵏也說文毛詩俱誤

𦵏一字

𦵏需聲之部字也

𦵏需聲之部字也

𦵏需聲之部字也

𦵏需聲之部字也

𦵏需聲之部字也

𦵏需聲之部字也

𦵏需聲之部字也

𦵏需聲之部字也

聲劃然不同

今將說文之誤

據他書正之

其餘𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

𦵏之訛

謬。

睨 說文睨或从完姚氏據檀弓系刮下 按檀弓華而睨疏
刮削木之節目使其睨睨然好也徐邈遂音刮雖元祭有
通徑不得改讀詩睨彼牽牛有睨其實睨睨黃鳥莊子睨
睨然在糴繳之中皆戶版切音緩

憲 說文敏也从心从四害省聲許建切 按害省聲切許建
殊爲不倫元祭固有通徑然通者多由元之去聲轉祭之
入聲如怛幹櫛鬻等字是也亦有由平聲轉入者軌許頗
等字是也未見有祭轉元者且憲古音軒讀平聲更非祭
之所能轉矣苗仙麓云當作山聲亦強說今別作聲母

怛 說文憊也、从心旦聲、得案切、又當割切、或从心在旦下、詩曰信誓旦旦、按此元去轉祭入也、詩甫田勞心怛怛、韻桀、中心怛兮、韻發、偈後漢王吉傳作中心愬兮、制聲在祭韻。

𠂔 說文曰始出光𠂔𠂔也、从旦𠂔聲、古案切、王氏釋例謂从𠂔旦聲、許君以爲从旦者、蓋於朝字从𠂔得之、按朝字不从𠂔、說詳宵部朝字𠂔或是从早𠂔聲、又𠂔𠂔聲、音烏括切、亦元轉祭也。

曼 說文引也、从又旦聲、無販切、又萬蟲也、从𠂔象形、無販切、按萬之爲𠂔、於祭部辨之詳矣、然千萬之義、無販之

音、尙無著也。萬之古文，字典作𠂔、𠂕二形，與萬絕不類。而

與曼字則大相類。說文曼引也。集韻曼衍也。同聲漢書律

厯志，紀于一、協于十、長于百、大于千、衍于萬，引而長之，曼

衍無極，非千萬之義乎。萬既爲曼，則與衍同部，而蔓趨謾

幔、慢慢、鰻、縵、鋤、幔等字，皆由此得聲，非無販之音乎。且

古文二形，中並从四，四橫目字，彝器齊陳曼簠作𠂔、曼

龔父簠作𠂔、與字典所載，如出一轍，則萬之古文，卽曼

字也。曼或作𠂔，則万字所從出也。楚方城本作万城故千萬字當

以曼爲斷。至彝器繫壽萬年，字多作𠂔、邁年者老年也。

其偶有作𠂔者，乃借𠂔爲邁，非十千字也。自後人解作

十千埤雅又以蜂類衆多動以萬計傳會之漢後經師妄意改竅凡以數計者皆用萬而曼之本字廢矣余初以元轉祭得無

取之音既得曼字前說遂廢

又詩簡兮方將萬舞魯頌萬舞洋洋注

萬舞名

詩疏萬者舞之總名文舞用羽籥武舞用干戚並用之爲萬舞大戴禮注萬也者干戚舞也

按萬正當作曼曼舞者曼延長舞洋洋者曼衍之意漢書

西域傳贊作魚龍曼衍之戲亦其遺也荀子正論篇曼而

饋楊倞注曼當爲萬列萬舞而進食按曼是正字不當改

爲萬唐時曼字塗抹殆盡有此碩果猶欲剝而去之何其

忍也詩公徒三萬左傳南宮長萬皆宜作曼又說文有

曼字形亦似曼

此晴川說存參

髡 說文髡髮也。从髟兀聲。苦昆切。或从元。段注元亦兀聲。故亦从元聲。十三部。諄

軫 說文車轅耑持衡者。从車元聲。魚厥切。段注魚厥切。元

之入聲也。十四五部。元脂祭

按髡軫二字。余初並收元部元聲。而轉其聲於兀。兀在物脂之入聲也。然元能轉祭入月。不能轉脂入物。不得已遂兼收元脂祭三部。而心未安也。繼檢段注。髡十三部。諄而從元聲。騎十四部矣。軫十四部。元轉十五部。兼騎脂祭矣。推其受蔽之由。在元亦兀聲一語。而部居因之以亂。元从人从二。二古上人之爲首會意。今改訂二字。分隸脂元兩部。髡从元聲。脂

之入也。其平聲在諄。於苦昆切爲合。不得更牽元聲。其或
文从元者。淺人見元聲不當讀昆。而妄增一畫也。軌从元
聲。祭之平也。其入聲在月。於魚厥切爲合。不得更牽元聲。
而經文从元者。淺人見元聲不當讀月。而妄減一畫也。知
元在脂而不在祭。則軌之从元。不得以例髡。知元轉祭而
不轉脂。則髡之从元。不得以例軌。

𣎵
說文衆微杪也。从日中視絲。古文以爲顯字。或曰衆口兒。
讀若唵。或以爲繭。繭者絮中有小繭也。五合切。段注
顯从頁𣎵聲。則𣎵之讀顯可知。呼典切。衆口兒別一義也。
讀若唵。巨錦切。以𣎵爲繭則古典切。已上三義。畫然三音。

各形似兼取義於犬虎。不得去犬單作虜。則虜聲固非。虔省聲亦非。古人製字其取義真有不可解者。不必強爲之說。姑推虜爲聲母。而祭韵之从獻聲者。併系其下。注明轉聲。王石臞分其半於祭。亦不必也。

虔

說文虎行兒。从虜文聲。讀若矜。鉉曰文非聲。渠焉切。段

注聲當是衍字。虎行而箸其文。會意。讀若矜。矜从令聲。古

音當在十二部。真十三部。諄也。桂氏曰。矜讀若鯨。按段

說會意是也。既會意。不必更問其聲。許說讀若矜者。謂讀

若矛柄之矜。

矜今聲轉音其嚴切

非讀若哀怜之矜也。矜之聲尙不

能定。又何從定虔字乎。十二十三宜其游移不敢質言也。

詩方斲是虔同韵者皆元部字

段十四部

从虔聲之字饒郎樓

越噉廣韵並收二仙無一字入眞諄者凡許書讀若有取

諸本部者有段諸異部者乃朱氏定聲亦錯仞矜字收虔於坤部將虔亦可讀爲鄰乎眞難與講古音矣

耑

說文物初生之題也上象生形下象其根也多官切按

由此得聲之字凡三類端喘遄顓各字元部也而省聲之段與段聲各字系之揣瑞揣各字元轉支部也穉穉各字元轉歌部也王氏釋例謂音韵流通不滯非部分所能拘朱氏定聲遂分揣於履部以爲从手从耑會意而瑞揣穉皆从揣省聲不知古人讀端近似都乖切讀耑近似諸乖

切易。囿支脂。遷流既遂。忘所自。且由支轉歌。而有丁果切矣。若沿流溯源。則元部實諸字之星海也。孟子吾不惴焉。丁公箬音遄。莊子肱篋惴。奕之蟲。惴奕爲疊韻。齊物論以惴叶縵。可見惴本元部字。他若端。許讀若捶。唐韻則旨沈切。端。孫音都果切。廣韻則市緣切。端。唐韻丁果切。而許讀若端。端。廣韻丁果切。而唐韻則收一先。轉移之迹。昭昭可見。况端。瑞。許氏俱作端聲。段注引方言。端常絹反。是此字古音。乃豐芑必分歸履部。而以爲端省。失其本矣。又按元轉歌。支亦轉歌。故元與支有隔位之通徑。與脂豪不相涉。其讀類脂者。後人之誤也。此又不可不知。

𨾏 說文从人難聲。按難聲自不可易。而字則讀那。蓋元歌有轉通之徑。如獻莎盤婆痺疹單蠶潘皤之類。未易更僕數矣。

單 說文大也。从卬卑。卬亦聲。闕。段注當爲大言也。大言故从卬。闕謂卑形未聞也。王氏釋例斬字下云。單字鐘鼎有𨾏𨾏𨾏𨾏四體。或从全車。或从車省。蓋兵車也。穆天子傳。天子乃周姑繇之水。以圖喪車。是曰囙單。單似指喪車言。此殆謂車爲單之明證乎。按王說是也。繹山碑戰字从單。合鐘鼎四體觀之。卬下皆有連繫。蓋兩馬駕車形也。戰从單。右戈。兵車之制也。詩公劉其車三單。當亦此義。車

从車。單亦从車。則兵車是單字正義。訓大、訓盡、訓周、訓複、訓一、訓厚、訓信、皆借義。人不知單之正義。遂以借義當之。如詩其軍三單、鄭箋謂單者無義卒、郊特牲唯爲社事單出里、謂里出一車也。觀下文社田自明。註解作盡。史記信陵君傳、今單車來代之。後漢耿恭傳、以單兵固守。皆指兵車。註釋俱作孤單解。失本義矣。段氏不知、妄加言字、以曲就从叩之說。至於卑又將何辭以說之乎。

解 說文鄉飲酒角、从角單聲。支義切。或文作觥。禮經作觥。此亦元支之通。當收元移支。从辰者、氏之訛。亦猶𧈧之古文作𧈧也。段乃以祗振說之。

遼 新増遼聲韋委切、左傳通用爲亦元歌之通也、

容 說詳脂祭二部、

嫠 說文奢也从女般聲、鉉等曰、今俗作婆非是、薄波切、按般聲在元部、薄波切、元之轉歌也、詩嫠嫠从女婆聲、當是本字、大徐因許書未收、謂之俗字、而實非俗字也、觀下文娑舞也、引詩市也、娑娑、嫠嫠、旣屬疊韻、則訓舞訓奢、當有兩字一屬元、一屬歌、或說文偶遺娑字、大徐遂以嫠字當之歟、存疑、

第九部 侵

凡舊收談部、今從朱氏定聲入侵部、而凡聲各字並系之。

風 說文八風也、風動蟲生、故蟲八日而化、方戎切、古文作風。

按許說殊迂曲、以大塊噫氣、僅以蟲生取義、殊覺渺小不倫。正字通云、風从天气形、从日中出气成風。據此則風、蜚疑非一字、風天地之氣也。象形。蜚从虫、凡聲、義當與虫近。或本从日、譌从虫、歟。無微姑闕之。方戎切、當作方金切。陳氏古音考、汾晉之間、讀風如分、猶存古音。三百篇皆與心、林、欽等字同用、可證。

鳳 說文神鳥也、从鳥、凡聲、馮貢切、古文作鳳、鳳飛羣鳥從以。

萬數故以爲朋黨字。又作鷖。顧氏唐韻正鳳字从鳥凡聲。亦不當讀爲符貢切。雖於古無所證。而世說注引晉百官名謝奉父鳳。古人卽不諱嫌名。不應父子同音。疑鳳字當入梵韻。苗氏曰。凡非聲。當作从鳥。凡象冠形。依然篆書朋字起筆。中含鳥字。宛然鵬字。余初從苗說。以鳳朋爲一字。同收烝部。後因蟲器朋之古文作𠂔。遂分爲二。朋隸烝部。說詳烝部。朋字下。鳳仍从凡聲。與風字同收侵部。又按荀子解蔽篇。有皇有鳳。今本誤作有鳳有皇樂帝之心。鳳與心韻。則侵部字。非烝部字也。想許氏因古文鳳與古文朋形似。遂誤作一字。且以羣從萬數曲爲之說。諸家從之無

異詞。今以鳳字系凡聲下。附以古文扇。馮貢切。當作馮禁切。鵬字系丞部朋聲下。專作鵬字用。

染

說文以繒染爲色。从水朶聲。徐鍇曰。說文無朶字。裴光遠云。从木朶者。所以染。桅茜之屬也。从九。九者。染之數也。未知其審。而琰切。按此字。玆當作染。柔木貌。从木汎聲。讀孚飲切。詩。集染柔木。集染疊韻。集字既从木。則染字亦當从木。不當从水。許氏說解从水者。遷就濡染之義。不知濡染字自作灑。其用染者。段借耳。乃小徐又引裴光遠之言。以爲从木者。桅茜之屬。从九者。染之數也。按周禮。染人止三入。未聞有九。裴說穿鑿。不足爲訓。檢篇海有染字。玆卽

集染之染。惜音義失傳。後人以竹瓦切之。以手把物訓之。形聲絕不類。知文字遷流。有不可問者矣。又按此字本下形上聲。許說左形右聲。引也而長之。右半遂不成字。姚謂卽枕古文簋。亦屬附會。

軌 說文車軌前也。从車凡聲。周禮曰。立當前軌。音範。按引經考。周禮無此文。詩濟盈不濡軌。段氏據石經作軌。持之甚堅。王氏經義述聞。駁而正之矣。

負 說文無賁字。徐氏新增有之。注云贈死者。从貝从冒。冒者衣衾覆冒之意。傳本據字典古文作負。以爲凡聲。或云冒聲。幽侵之通。經韵無證。姑存之。

寢 說文卧也。从宀侵聲。籀文作𡩺。

寤 說文病卧也。从寢省，寤省聲。七桂切。按說文無寤字，當

作寤省聲。傳云：書女乃是不寤，疑卽此字。復訓卧。寤訓病卧。今作寢是合二字爲一字也。愚意寢爲寢室寢廟之寢，寤爲寢卧寢疾之寢。姚誤作寢。

矜 說文矛柄也。从矛今聲。居陵切。又巨巾切。按此字聚訟

紛如。今將各說備列，以資攷證。陳氏古音考：鰥矜古通

用。詩不侮矜寡。禮運矜寡孤獨。論衡引詩何人不矜作不

鰥。于定國傳引書哀矜折獄作哀鰥。顧氏詩本音：矜古

音居銀反。詩凡三見。何草不黃。音鰥。苑柳桑柔並居銀反。

張華女史箴潘岳哀永逝文始入烝韻當改入眞韻江

氏古韻標準矜居銀切本證居以凶矜韻天臻何人不矜

韻立民寧不我矜韻旬民填段氏音韻表矜字在第十

二部眞詩苑柳草黃桑柔凡三見漢韋元成戒子孫詩韻

心則入侵韻又云諧聲偏旁間有不合者如矜字今聲而

在十二部王氏說文句讀曰段氏桂氏皆曰漢石經論

語校官碑魏受禪表並从令嚴氏曰華嚴音義引說文字

統矜怜也皆从矛令若从今者矛柄也玉篇二字皆从矛

令無矛今者也如慧苑說則舊玉篇有矜無矜舊說文有

矜復有矜兄部競讀若矜是矜字庀部虔讀若矜當作矜

詩居以凶矜。何人不矜。寧不我矜。从令乃協韻。从今不協韻。說文無憐字。據慧苑先引毛詩矜。憐也。知憐卽憐。然訓憐之字。何緣从矛。惟依詩協韻。改矜篆爲矜。或可耳。按矜爲从矛。今聲之字。各家所說。皆从心。令聲之字。參互剖析。皆有錮蔽。惟王氏引證辨駁者較切。然尙有未盡善者。說文矜矛柄也。从矛。今聲。此單說矜字。非兼說憐字也。說文無憐字。而有憐字。訓哀也。與憐義同。想舊說文必別有从心。令聲之字。爲憐字。重文。說詳眞部。憐字下。但經傳無用憐字者。其用憐字者。皆譌作矜。然則憐爲憐之古文矣。說文此字一闕。後人遂以矜字當之。其音居陵切者。乃漢後之轉。

音誤讀也。其音巨巾切者，乃牽於今聲，而強合詩中三處之韻也。不知此兩等音切，不惟無當於今聲，亦并無當於今聲。从今聲者，應作居林切。音衾，收侵韻。矜字之本音也。从令聲者，應作力旬切。音鄰，收真韻。怜字之本音也。前人真諄不分，且不知有令聲之字，無怪其有巨巾之切也。令與今形近而聲殊，矛與心形近而義異。矛古作𠂔，又作𠂕，心篆作𠂔，又作𠂕，聲誤形誤，而義有不誤者乎？石經魏碑玉篇並作矛令，不知其所用之字，爲矛柄與？爲哀憐與？如矛柄也，則改今从令不可也。如哀憐也，則但改今不改矛，亦不可也。葉友知訓憐之字，不得从矛，何不改矛从心平。

其不改者、或意在遵古、不知非遵古也。遵夫變古而誤者、也不但此也。蓋古人造字、形由義生、字因聲定。如矜、怜兩字、音義全殊。若但改今爲令、而仍从矛、則既非矜字之聲、又乖怜字之義。欲兩全、不且兩失乎。先生可作、當不河漢余言。又案史記主父偃傳、起窮巷、奮棘矜、賈誼過秦論、鋤耨棘矜、揚子方言、矜謂之杖、皆矜字本義。當讀若衾。賈大禹謨、汝惟不矜、旅獒不矜、細行傳、矜持也。論語矜而不爭、孟子皆有所矜式、皆矜字借義。當并讀若衾。書泰誓、天矜于民、公羊傳、見人之厄、則矜之、爾雅釋言、矜苦也、皆矜字本義。當讀若鄰。詩中入韻三處、俱當作怜。其不入韻者、

爰及矜人矜此勞人。矜字之本義也不侮矜寡。矜字之俗義也。矜矜兢兢。疊字形容。不知所借爲某字矣。然注堅強也。意者其亦矜字之俗義乎。况此字專訓矛柄。無哀怜之解。是許氏不以此爲哀怜字明甚。自唐宋人私意改經。凡遇哀怜字皆作矜。遂致古文古音古義。淩亂沈埋者二千年。今細加剖析。使形聲義各歸本部。而从矛今聲之字。乃得葆其固有。虎部虔下云。讀如矜。謂讀若鈐黔也。此同音相借例。今聲由侵轉談。與虔音近。知从矛今聲之字。斷不可廢。段王經改作矜。以遷就哀怜字。乃兩失之。

竈

說文深也。一曰竈突从穴从火从求省。按竈突是正義。

突卽突之譌漢書墨突不得黔卽此字突形深故又訓深詩采入其阻說文作𡗗恐不得作突入解

彙

說文商星也从晶彡聲鉉等曰彡非聲未詳所今切或省作𠄎正譌云从𠄎三星也或从𠄎說文誤作三日又誤作彡傳云當从彡姚氏曰當从彡聲从久未詳姑闕疑按此象形字不必强求其聲

彡

說文毛飾畫文也象形所銜切按从此得聲者最多如彡字必凋切已收幽韵與彪字同聲而徐氏又音所銜切則彡从彡聲矣彡字之忍切已收諄韵而彡字許氏亦作彡聲音所今切則彡从彡聲矣徐氏曰彡非彡聲傳亦以

爲許氏之誤。則參字自爲聲。尋字亦由此得聲。彤字亦三聲。他如衫衫二字。說文不收。終卽衫字。則參字仍从彡聲。𦑔卽衫字。今從新附收衫字。从彡聲。

斂厭帖貶。斂念聲。厭厭聲。帖占聲。皆侵談也。而書之斂乃穿。詩之厭浥。皆入緝益。帖亦入益。乏本入聲。而詩我位孔貶。與玷韻。皆侵談。緝益平入相通之字也。今旣從王氏分爲兩部。例難合一。只得以一聲騎兩韻。聲母收本韻。轉通者收他韻。如念收侵。斂應收緝。以經無韻證。仍收侵。小戎胡然。我念之。顧氏通輞邑爲一韻。江氏已駁之矣。厭收談。而壓擲等字。附入緝益。占收談。而帖貼黏貼。附入緝益。乏收

益而泛，既寔附談韻。惟寔字今誤入送韻，改歸於此。所謂同源異派者也。此余舊說，今則酌歸一部矣。

𠂔 似當作王聲，系王聲下。

凭 說文依几也。从几从任。周書凭玉几，讀若馮。皮冰切。按此字當是任聲，侵轉烝也。俗作憑，傳表亦从任聲，收侵韻。从 說文衆立也。从三人，讀若欽。𩇛，魚音切。按正字通，𩇛衆

本字。姚亦以爲衆字。左傳人三成衆。篇海衆，魚琴切。音吟。衆立也。義同而形稍異。雨部𩇛从雨从聲，亦音銀。箴切。孔𩇛軒分二冬，與侵通用。謂衆𩇛聲，𩇛讀若𩇛，是此字自有兩音也。存參。

品𪔐 鉉等均作會意、姚從錯本作品聲、歸侵部、段氏同、朱亦

收品𪔐於品聲、而別收品字於談部入聲、按品𪔐一字一聲之轉、或以中一長短分之非也。

龠 唐元度九經字樣作龠、从今聲、姚本據改、

領領領 並胡咸切、上頤旁也、中面黃也、下點頭以應也、三字今皆互易、茲收領領於侵、讀胡錦切、而領則收緝部、要皆一聲之轉也。

戠 說文說解闕、之弋切、易朋益簪、虞翻云本作戠、聚會也、舊讀

作楷、段注戠當以音爲聲、然書厥土赤埴古文作赤戠、是戠固在之部也、蓋侵部與之部有合韻之理、按侵與

之自古不相通。段注未塙。在之部者。彝器作戠。不从音。則
从音者。自當讀簪。二字形近致誤。今並載之。

弟十部 談

鞞

說文繇也、舞也、樂有章、从章从夊、从父、詩曰鞞鞞舞我、苦

感切、又鞞賜也、从貝鞞省聲、徐氏曰鞞非聲、未詳、古送

切、籀文作鞞、按此字音義、最爲難定、段表收鞞聲於談

韻、是從古感切也、傳表收入東韻、是從古送切也、雖東談

有相通之理、而界限不明、將何所適從乎、今偏檢說文、从

鞞得聲者、鞞字外酉部鞞字、讀若美而豔、古潭切、是談韻

字也、心部慙字、陟絳切、匸部匱字、其重文櫃字、皆古送切、

是東韻字也、艸部鞞字、古送古潭二切、是東談兩韻字也、

審許氏之音、曰坎、曰豔、似以收談韻爲長、而字从夊聲、又

似收東韻爲安。許氏所引鞞鞞舞我。今詩作坎坎鼓我。與舞無涉。且一字而層疊訓之。其中無定見可知也。吳兢樂府題解云。漢武帝滅南粵。令樂人侯暉依琴造鞞。以工人姓侯。故名坎侯。後以坎爲空。曰空侯。後人遂加竹作箏箏。據此則鞞有空聲。亦東談相通之證也。東與談旣不能斷。今姑收鞞聲於談。而附其通聲於東。亦不得已之見也。

𦵏 說文刈艸也。从艸从父。所銜切。案此字鄙淺不類古字。

詩載𦵏載柞。據許氏𦵏字說解。𦵏乃𦵏之訛。檢艸部𦵏字云。以足𧈧夷艸。春秋傳曰。發夷蘊崇之。普活切。今左傳作𦵏。以左傳證詩。則𦵏爲𦵏之譌可知也。但說文旣兩字並

收、只得分存兩韻。苗氏引作父聲，非。今姑收談部以俟攷。
敢，古文作𠂔。姚從說文係古聲下。桂氏以爲古聲。王氏從籀
文从甘，或遂爲甘聲。不知此字彝器作𠂔，既不从古，亦不
从占。本非諧聲，強以聲系，斷乎不可。今別建一母。

𠂔

苗說甘亦聲，今從之。轉聲詳緝部

𠂔

苗說甘亦聲，今從之。按从舌之字有三類，恬、枯、𠂔、𠂔、

五字，許氏誤作舌聲。大徐作𠂔省聲，是也。𠂔，犬食也，讀若
𠂔，乃由談轉益，亦當系𠂔省聲。惟𠂔字，許氏亦作舌聲，引
論語結衣長，今作褻褻長，當卽褻之異文。惟舌聲在祭，宜
收入祭部舌下。

監許說昭省聲諸家無異詞惟王萊友以爲會意與盟字俱从皿觀古文𡩋可知今從之別建一母列𡩋聲後

詹說文多言也从言从八从𠂔段注作𠂔聲𠂔徐音於毀切與詹音不合按厂部屋𡩋秦謂之楣齊謂之𡩋木部屋檣聯秦謂之楣齊謂之檐楚謂之𡩋是𠂔與檐同字同音也苗氏係詹𠂔聲下今從之

泛泛𡩋𡩋各字凡由乏得聲者併系益部乏字下子從母也說文辱也从心天聲他典切按天聲古音在眞今廣韻五十一忝與點簞並收而添𡩋二韻卽其平去是眞與談鹽諸韻不當通而通者段氏謂憊之或體愚謂是面之訛

文。蓋天與典本不一部不得強合。篆文天作而與而形近致誤。詩無忝爾所生。當是無慙爾所生。說文慙慚也从心而聲。徐音女六切。當作女弋切。之部入聲也。說文既有慙字。則忝字必後人所加。宜削之。朱氏亦有慙字之疑長箋从天心會意。以天求心。每自慚愧。此蓋知天聲不合鹽韻。而穿鑿以求解者。不可訓。

陝
說見益部、